

४ रोपनस गहि बेंज्जा ती एं-ड़ बछर खो-खा रोपनस गहि मइय
 आरिन जुदा नंज्जका चिच्चका रहचर। बोलवा तन अज्जिद हूँ बोलवा
 तरा मल मंज्जा। आद हूँ बोलवा तडिगयो गने जुदा मन्ना ती
 अनभनियाँ अरबा नखरा। ए-रा खने गा अंवदा कोहाँ कल्था गा मल रहच
 पहें बोलवा तन अज्जी गे खे-र अहड़ा मल बछरकी रहचा, अवंगे खुइत
 बीरी मण्डी ओण्डका खो-खा अनभनियाँ अरबा - नखरर। बोलवा त
 अज्जी तन सेड़ोन केबर'आ लगिया। बोलवा तन अज्जिद हूँ गा मण्डी
 ओन्ना ती मून्ध कुद्दा गे केरा। मण्डी ओनो दरा कालो पहें खने गा अने
 केरा। खे-र अहड़न पतंगाली ती कुल्ला उइय्यागे बाचा। बोलवा तडिगयो
 गे खे-र अहड़न भवाँरी नू उइना रहचा खने गा आद हूँ चिलपिठी
 उइय्या चिच्चा। अक्कु केच्चका बेरखद मोक्खा चिच्चा अदिन एन्देर न
 तन सेड़ोद। ने- अखआ लगिया का अहड़न उइका खो-खम बेरख
 बर'ओ दरा मो-खो चि'ओ अदिन।

"अवंदा उल्ला एड़पा नू उमी दिम पूरचा ई सोतड़'एंग गहि एड़प
 तिरखका खो-खा एड़पा नू एन्दरद हूँ मल पूर'आ लगी। ब'आ लगी
 बेरखद मोक्खा अमखिन, एंवदा उल्ला निङ्गयो निम्बय गुया अहड़ा म
 मुक्की रहचकी, एन्ने नू ए-न निम्हय संगगे खट'आ ओना पोलोन। नी
 ठिक्की कुड़िया नू रअ'दय का एसन रअ'दय ए-न बल्लेन।"

"ए-न मल्ला मोक्का यो, पतंगाली ती कुल्लकी रहच'अन द
 उइकी रहच'अन।"

"कुल्लकी दरा उइकी रहचकी होले एन्दरद मोक्खा?"

"बेरखद यो, ने-खय मोखारो बेरखद बरचकी रहचा!"

"मसुवाही नितो, बेरखन मोक्खा ब'आ लगी। अवंदा उल्ला ने-ख
 बेरखद हूँ मल मुक्की रहचा इन्नम मोक्खा।"

"नीन एक'अम ब'अय यो। एंगहय बेसे अहड़ा मो-खना का निम्ह
 बेसे बअ'ना।"

"ए-न मल पत्ति'ओन बेरखद मोक्खा अदिन।"

"होन्ने हर ब'ओय का यो, बेरखद दिम मोक्खा चिच्चा अदिन ए
 एन्देर ननोन।"

"एन्देर नन्ना र'ई अदिन नीन एंगगन सिखाबअ'दी।"

“नीन एन्दरा हूँ मल्ला बाचका रोपना, औला ता कत्थन मो-धरका
केरकय, मल बेंज्जरकी रहचा खने पदा ता जोंखर गने लमठ - लमठ
कुद्दा नुंगगा लगिया।”

“ए-न एका औला हूँ अन्नेम मल्ला बाचका यो, नीनिम कत्थन
परद'आ खतरी एन्ने ब'आ लगदी।”

“ओह रे रोपना निंगन एंगहय कूल नू नय चन्दो कुत्ताचका
रअ'दन।”

“नीन एन्दरा ब'आ बेदा लगदी यो, इन्ना एन्दरा - एन्दरा बअ'न
र'ई ब'अय चि'ई।”

“ए-न निंगन एन्दरा ब'ओन, कला मुक्का गहि खोलन धरचका
र'आ।”

“ओहरे अक्कू मल बन'ओ यो, अक्कू संजगी खतरा दिम केरा अर
खरखिया दिम केरा, अक्कू जे मन्ना र'ई मनो।”

ओहरे ओन खेता खे-र अहड़ा खतरी एन्ने बग्गे कत्था। एकासे मन
अक्कू। एड़पा गा खोटर'ओ बेसेम लगगा लगी। खे-र पिटका का मल
पिटका। एकासे र'ओर। एन्ने बग्गे कत्था मंज्जा केरा। एंदेरगे का बोलवा
तंडिगयो दिम खे-र अहड़न इरतकी रहचा दरा अमखिन खट्टकी रहचा।
अन्ति ओन्टा खे-ता नू गा अमखिन खुल्लिया दरा पतंगाली ती कुल्लकी
उइकी रहचा। अन्ति ने- अख'आ लगिया का बेरखद पतंगालिन
चलख'अर दरा उर्मी डबचका खे-र अहड़न मो-खो चि'ओ। बोलवा तन
अज्जिद हूँ गा उल्ला उल्लम कुद्दा कालो पहें खने गा उरमी उल्ला माखा
बीरिम खुड़ती बीरी ता मण्डी ओन्ना बेड़ा नुम काला लगिया। आद हूँ
एन्देर ननो खुड़ती बीरी केरका ती अरखिद खरखर'आ लगिया।

नन्ना उल्ला बोलवा तन अज्जी पुतबीरी लकड़ा टोला किरकी रहचा।
काना ती मून्ध एड़पा नू बाचकी रहचा का :-

“एंगगा किरा गे बग्गे बेड़ा लगगा उँगी, अवंगे मण्डी ओनके दरा
चूतके, बिल्लिन अमके ते-ब'आ। बलिन हूँ अमके ऊदा। ढिबरिन ए-न
चूतेन आ कुड़िया नू लघर'आ चिइ'के, ए-न बर'ओन दरा खोल्लोन
ओनोन।”

एन्ने ब'अर दरा बोलवासिन तडिगयो तुक्कना बेसे ननी, बोलव
अनभनियाँ चींखदस।

“चींखत'अय अक्कुन, ओन्टा खद्दासिन भन्द'आ पोल्ला लगदी।” an

“निंग्हय चलतेम चींखा लगदस।”

“ए-रा लगेन बोलवा तडिगयो निंग्हय बइयन मल खपाब'र
लगदी।”

“निंग्हय थोथना गा अजम दव र'ई।”

“एंग्गन नीन होन्ने ब'ओय, निडिगयो निम्बय निंग्गन होन्नेम ब'आ
तिंग्गका रअ'नय।”

“इंडिगयो एम्बयन एन्देरगे ढेस'आ लगदी।”

“पोल्लोन निंग्हय संग्गे बोलवा तडिगयो ए-न काला लगेन, निंग्ह
बइयन ए-रा लगेन ए-ड़ा थोथना ती हूँ बग्गे निंग्हय बइयद चलखर'ई।” an
अन्ती खो-खा चुपे - चुपे काला गे उरखी। लकड़ा टोला नू ने- हूँ म
खक्खरर, आद अन्नेम किरिया केरा। किर्रो बीरी डहरे नू ए-री का ए
एड़पा नू अरखी खखर'ओ। आ - आ एड़पा नू कुर'ई, दरा कत्थन को
- कोहाँ कमई। अरखी मल खखरना गूटी असतेक चो'आ हूँ मल चु'र
अरखी खखरा होले ओन्ड लिंघओ दरा काला लगदन ब'ओ अरा एड़
किर्रो कालो। उरमी उल्ला आद अन्नेम नना लगिया। ओन्टा एड़पा नू
अरखी खक्खरा दिम केरा। कत्थन टभियच - टभियच अरखिन ओन्ड
और तनिक चि'ओर होले हूरम - हूरम गा ब'ओ पहें अदि गहि जि
पत्ति'ओ आद हो'ओ दिकिम।

५ "एखोन को बोलवा खंदरकर केरकर का। तिसा'आ बलि
निङ्गयोद हूँ खंदरा केरा का। खेस्सन बत्त'ओ पहें, एवंदा कोड़े 5
निमागे खंदर'आ तुक्की। लकड़ा टुली नू हूँ ने- हूँ मल खक्खरर। xan
किर्रो बीरि जुन डहरे नू बुखली खक्खरा, कोर'आ बाचा खने कोरचव tuk
खने गा ओन पैंटी अरखिन चिच्चा उंखकन केरकन।" buk
cico

लकड़ा टोला ती किर्रका खो-खा आद तान - तान बरब
लगिया। आ बीरिम तन सेड़ोद बखड़े बलिन तिसगई।

"उंखकी तो कोड़े नंज्जकी यो कोर'अय। इदा कट्टू ता मणि
मल्ला पुंइदका। खोलय ओनय।" sēr

"एंगन खोल्ला ओना गे बअ'दी। ओन्द एं-ड़ उल्ला ती ए-रा ल
बड़वारी मना काला लगदी, पोल्लोन र'आगे निम्हय संगगे। अल्ला चु
नू खटदय ओन्दय का एन्देर नन्दय, ने-ला तिम नीम नन्ना कुड़या नू र
गे ओ-रे नने...।" ma
on
na

"खोल्ला ओना गे जुन बाच'अन यो। इदा बोलवस दुदही अ
लगदस अवंगे। इदा ओन्दय लोटा खोल्ला चि'आ लगेन।" ida

"चो'आ बबु अदा निन अज्जी गे मण्डी चि'आ काला लगदन।"

"ए-न ओगगोन खोल्ला ओना गे। कलय नीन चूतके।"

"मेरतलए बेसे कच्छनखरदी यो।"

"एंगन मेरतलए बअ'दी, मेरतलए गा नीन हिकदी।"

"पोल्लोन बोलवा तङ्गियो निम्हय संगगे ठठ'आगे।"

"कलय यो मण्डी ओनके।"

"ए-न इन्ना मण्डी मल ओनोन। एंगहय कूलद एन्नेम उड़चा केरा।"

"तनिक'ओकेम ओनय यो।"

"ए-न अक्कु निंगहय खटचका मण्डिन मल ओनोन।"

"अम्बय ओनय अन्ती अक्कु ए-न एन्देर ब'ओन।"

"नीन एन्देर ब'ओय, ए-न ब'आ लगेन, ने-ला ती एड़पा नू एं-
चुलहा लघर'ओ अक्की।" la

रोपनस इबड़न ए-रा लगियस खने दव गा मल लग्गा लगिया
आस एन्देर ननोस। ओन तरा मुक्का खद्द नन्ना तरा तडिगयो
भइयोर। जुदा मना गा मल तुक्का लगिया पहें एन्देर ननोस। एवंदा
गूटी एन्नेम कत्थन मेन्ते र'ओस।

"अना बोलवा तम्बायो, ए-न गा ई एड़पा नू ठठ'आ मे
पोल्लोन।"

"एंग्गा मे हूँ अन्नेम लग्गी बोलवा तडिगयो।"

"होले एन्देर ब'आ लगदय अन्ती?"

"ए-न एन्देर ब'ओन नीन एकासे बअ'दी अन्नेम ननोत।"

"एंग्गा लग्गी संगहेम र'ओत होले गा होन्नेम मनो।"

"मानिम बअ'दी बोलवा तडिगयो। ओनट'आकेम अड़िन चिच्चर
नमागे उज्जा मे मनो कालो।"

"अरे मल पूर'ओ होले बनी भूती ननोत। मल मनो दरा का।
गहि ए-ड़ा थोथना बईयन गा ए-रना मल मनो।"

"नम्हय जुदा मंज्जका ती ईर मे अखतार'ओ बोलवा तडिगयो
उक्का उक्का एकासे ओना मे खखर'ई अदिन।"

"मानिम बअ'दय नलख ननोर ना खारोर।"

"मला उक्का उक्कम खल्लद आर मे एरखो चि'ओ। ईर न
एन्दरा घोखनर।"

अन्ति रोपना गर नन्ना उल्ला ती सन्नी एसन कुड़िया नू र'
लगियर। जोक्क उल्ला खो-खम बोलवा तडिगयो नोकसान मंज्जा केर
आर मे बग्गे खल्ल मल चिच्चका रहचर, ओन गोहला अड्डो अरा ओन
ओय चिच्चका रहचर, अरा ओन्टा किस्स, आ ओय गहि दुदहीन ओंताच
ओंताच बोलवासिन पो-सस पर्दस। इबड़ा उर्मिन घोख'आ - घोख'
बोलवासिन पाकोस अरा एसन ओंग्गा लगियस असानुम ओक्का लगिय
अरा गलेन कप्पर दरा चींखा - ओलखा लगियस।

आस जुक्किम खल्ल नुम, ओन कों-ङन पुटुस झट्टा ती घोर'आ दरा बटगी कमचस। अन्नुम ओन कों-ङा नू अलुआ भेटाँगो गुट्ठिन इद'आ लगियस, अरा ओन तरा दम्बूदी खनेम सिम्बीन इद'आ लगियस। अदि गे लङ्गार'आ गे तोम्बा गहि झाँकन मलता खोंखोङन गड'आ लगियस। आस गहि बटगी एवंदा दव, उर्मी उल्ला हरियर एथर'आ लगिया। ए-खा घड़िला गा अम्बा आना बटगी गहि कूटि - कूटि घोरचक घोरना नू अनभनियाँ कराईली खंज्ज'आ लगिया, आद हू पे-ठ सवदा नन गे मना काला लगिया। कराईलिन गा पे-ठ हो'आ लगियस दरा खेज्ज ननर दरा बीसा लगियस। अनभनियाँ बीसर'आ लगिया। आस गहि बटगी नू एका उल्ला हूँ अमखी गहि घटी मल मना लगिया। नीकइम हूँ आस गहि बटगी नीदी खेक्खा हूँ केरर होले ओरमर गे ओन्द बेड़ा ता अमखी इरता मो-खा गे चि'आ लगियस। नीकइम हूँ आस गहि बटगी कुद्दा केरर होले नीदी खेक्खा मल किरा लगियर। सुको पच्चोद गा एका उल्ला एड़पा नू अमखिद घटर'आ लगिया औलम आस गहि बटगी कालो दरा कथन टभिय'आ लगिया।

“एन्देर नना लगदय बबु, रोपना?”

आस आना किरतआ लगियस :-

“एन्दरा मंज्जा, ए-थर'आ हूँ मल ए-थर'आ लगकी, बराए यो ए घड़ी कुद्दागे।”

“अनभनियाँ सिम्बी भेटाँगोन खंज्जत'आ लगदाय”

“इद'आ खनेम उर्मी दिम खंज्जई, मेखा ती खतरना होले इद'ओन पहुँ का, आलारिन गा एन्देर आनोय, इद'आ मो-खा गे बलनर खड'आ मो-खा गे अखनर, चैरो चुयाँ गरही उर्मी खें-सो कन्दन खड्डर होच्चर ब'आ लगियर”

“ए-न हूँ अन्नेम मेना लगदन, एन्देर गे अन्ने नन्नर दरा।”

“नीम जे एन्दरा - एन्दरा इदका रअ'दर?”

“इदना पोलकम तनिक, झट्टा हूँ पोलकम चेड़'आगे अवंगे घोर'आ
पोलकम। जोक्क भेटाँगो रहचा अदिन हूँ ए-ड़ा अड्डोद मिनियाँ चिच्चा।
निम्बस गा नड़ी चै-प ती चूतका रहचस। ढे-र उल्ला ती एखो कोड़े
रअ'दस दरा। निम्बासिन ए-रोन, का बटगिन ए-रोन, एन्ने जुन मंज्जा
बबु।”

“एकासे ब'ओय अन्ती का यो, इदा तनिक'ओ केम अमखी हो'अय
कलय।”

“मला बबु र'आ चि'आ।”

“ओन्दय यो बग्गे थोरे चि'आ लगदन दरा।”

“चि'आ अन्ती निंगहय कत्थन हूँ उइदन।”

इन्दर'इम अमखिन रोपनस चिच्चस होले आद तंगहय सड़ी गहि
अचरा नू हैं'अर दरा कोंयच्छा नू कोंयच्छ'आ लगिया। बग्गे मलता जुक्की
उरमिन आद सड़ी गहि अचरा नूम कोंयच्छ'आ लगिया। बई ती गा आना
लगिया का अम्बा चि'आ, पहें खक्खरा होले गा अम्बो! उरमिन धर'अर
दरा सोजहे एड़पा चाईल काला लगिया। रोपनस गे गा बटगी ता
अमखिन खट्टागे दव लग्गा लगिया।

“अमखिद घटर'ओ होले बरके अन्ती यो, र'ई अवंगे जुन बअ'दन।”

“बर'ओन जुन बबु कुदना बेसे। इदा ओन्टा कत्थन गा तेंग्गागे
मो-धरकन केरकन।”

“रहबेल यो अदा ने-खय मनखद घोरनन कुस्सा लगी।”

“कला - कला अदा ने-खय मनखद हिके दरा खेदके महले बटगी
नू कोरचा होले उरमिन मो-खो चि'ओ।”

“एन्देरगे होन्ने खेदा अम्बनर चिइ'नर दरा!

“ने-कन एन्देर ब'ओय बबु अवंगेम जुन एम्हय बटगी नू एन्दरद हूँ
मल बच्छर'ई।”

“ने-कन एन्देर ब'ओय का यो, पदा नू खोहाड़ कमनर खनेम ओरमर
गे थितार'ई।”

“ने-खय मनखा रहचा दरा रोपना?”

“मल चिन्च्छकन। ओ एन्देर कत्थन तेंग्गा बेदा लगकी यो!”

“एन्दरन तेंगोन का बबु, अदा सोमरा तङ्गदा गाह इन्ना पंचाईत
ब'आ लगनर। गोट्टा पदियर ओक्का लगनर किका!”

“ओ! एन्दरा मंज्जा दरा यो!”

“एन्दरा मनो का तम्हय मेसगा नू अरगकी रहचा किका।”

“एका उल्ला दरा?”

“चेरो जुन ब'आ लगियर।”

“ओ! आद गा पूरुदिम हिके केरका चन्दो अदा उगतन चेड्डा दरा
हो'आ लगिया, ओन्टा किस्स मो-खना बेसे जरिबना होच्चर दरा अम्बियर।”

“एकासे ब'ओय अन्ती बबु। अख'आ लगी का कुडुख खोंडहा नू
मुक्कर गे का पेल्लर गे उगतन ठेकरना मल्ला अरा मेसगा हूँ अरगना
मल्ला। अन्नू हूँ बलना बेसे मनी।”

“हूद गा यो तूरियर गहि एंवसरका आलोन हूँ मूखी।”

“तूरियर का लोहरर गहि एडपा काला - काला मण्डिन हूँ उनी खने
आर गहि एंवसरका आलोन मल मो-खो!”

“हूद ओन सत्री तिम होन्नेम र'ई यो। ने-कन एन्देर ब'ओय तङ्गियो
तम्बागर दिम अन्नेम रअ'नर खने।”

“एकासे ब'ओय अन्ती बबु ने-क'आनुम बाचकय चिच्चकय होले रफ
ले खेक्खन चो-दनर। अवंगे ने-कन हूँ एन्दरा हूँ मल्ला बअ'ना। चुपेम
रअ'ना दिम दव।”

“एवदा उल्ला चुपेम र'ओय यो। चुपेम र'ओय होले कुडुख खोंडहा
उन्दुल सोतबोड'आ मनो कालो। खोडहन बच्छाब'आगे गा मुन्धभारे बरनम
मनो।”

एन्ने ब'अर दरा रोपनस असन एन्ने मना लगियस का अक्कुनुम असन
सोमरा तङ्गदा रहचका होले अदिन असानुम पस'ओस चि'ओस पहें।
आस गहि खन्न गा ओडकर बेसे खेंसो मंज्जकी किरकी रहचा।

“ब'आगे गा मानिम बअ'दय बबु।”

“मल ईरदिन का यो, मेसगा मईयाँ एन्दरा खारा गे अरगा केरा।
इबडा कत्थन ए-न थोरे अख'आ लगिकन का यो। इन्ना ए-न उरमी
कत्थन ब'ओन यो।”

"अड़ती बीरी जुन ओक्कोर ब'आ लगियर बबु।"

"होले गा कानम मनो, ओन्द कुटिया केम खखर'ओ मलता
खखर'ओ, ए-न इन्ना कालोन दिम।"

"इदा कादन चप्पदन बबु, महले एड़पा नू इकिया केरा ब'ओर
केबर'ओर!"

नीकइम हूँ केरर होले आर गे ओन सांझ ता अमखी चि'आ लगियस
अन्ति ने-कन हूँ नीदी खेक्खा एड़पा किरा मल चि'आ लगियस। ब'ओर
लगियस :-

"ओंदा ओन सांझ केम इर्तके मो-खके, बग्गे गा मला तनी बु
चि'आ लगदन। बटगी नू अमखी र'ई अवंगे जुन मला होले एसत
चि'ओन पहें।"